

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0059021 25  
Zenica, 06.05.2026. godine

OPĆINSKI SUD U ZAVIDOVIĆIMA  
- Sudiji za prethodno saslušanje –  
**ZAVIDOVIĆI**

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

**OPTUŽNICU**

Protiv:

**H. H.**, osuđivan više puta,

Što je:

dana 15.06.2024. godine, oko 15:00 sati, na području općine M., upravljajući putničkim vozilom marke ..., krećući se magistralnim putem M17 iz smjera Z. prema D., vozio neoprezno i nedovoljno pažljivo jer je po dolasku u mjesto K., na raskršnicu tog puta i lokalnog puta koji vodi u mjesto G., otpočeo radnju obilaska vozila koja su se nalazila ispred njega sa lijeve strane i koja su bila prestrojena u isključnu traku koja vodi za mjesto G., a da se prethodno nije bio uvjerio da tu radnju može učiniti bez opasnosti za vozila koja su dolazila iz suprotnog pravca, svjestan da se na taj način može sudariti sa navedenim vozilima ali je olako držao da se to neće desiti, pa postupajući suprotno odredbama člana 36 stav 1 Zakona o osnovama bezbjednosti saobraćaja na putevima u BiH, vozeći tako, na sredini kolovoza, ispred isključne trake za naselje G., prednjom stranom svog vozila udario u prednju stranu putničkog vozila marke ....., kojim je upravljao M. M., koji se kretao iz pravca D., i koji je u namjeri za izbjegne sudar sa njegovim vozilom pomjerio svoje vozilo u lijevu stranu, ugrozivši na taj način sigurnost javnog prometa, uslijed kojeg sudara su njegovi saputnici K. S. i A.H., zadobili teške tjelesne ozljede i to: K. S. teške tjelesne ozljede opasne po život u vidu razdora slezine sa krvnim podlivom mekih tkiva u projekciji desne nadbubrežne žlijezde uz izliv krvi u prostor male zdjelice, kao i teške ozljede u vidu uboja lijeve strane grudnog koša sa ogrebotinom kože uz prelom II i III rebra lijevo, zatim preloma zglobne jame lijeve karlične kosti, te napuknuća zubnog grebena gornje vilice lijevo, te lake tjelesne ozljede u vidu ogrebotine kože po licu, nagnječno-razderne rane u predjelu lijevog koljena, a A. H. teške tjelesne ozljede u vidu povrede desnog lakta u vidu uboja sa otokom uz prelom gornjeg okrajka lakatne kosti i iščašenja glavice palčane kosti desne podlaktice, kao i lake tjelesne ozljede u vidu uboja sa otokom tkiva poglavine lijevo sljepoočno-čeonno, nagnječno-razdernu ranu u predjelu lijeve obrve i ogrebotinu kože u predjelu lijeve podlaktice i lijevog stopala, dok je putnik u vozilu marke ... mlđb. zadobila teške tjelesne ozljede opasne po život u vidu povrede trbuha u vidu krvnog podliva prednjeg zida trbuha u projekciji želuca sa razdorom zida dvanaestopalačnog crijeva uz krvarenje u trbušnu šupljinu i meka tkiva zatrušja desno i prodor zraka u trbušnu šupljinu, kao i lake tjelesne ozljede u vidu uboja sa otokom i krvnim podlivom tkiva poglavine čeonog dijela glave, te potresa mozga i krvnog podliva u predjelu desnog koljena,

čime je učinio krivično djelo Teška krivična djela protiv sigurnosti javnog prometa iz člana 336 stav 3 u vezi člana 332 stav 3 u vezi stava 1 KZ F BiH.